

序

志者何所以記一邑之風俗也古者採風問俗太師陳詩而觀之國史秉筆而載之凡事必書實以驗民

縣志

卷廿

序

一

心覘吏治焉我

朝

分畫疆域培養人材舉山

川古蹟土產方言咸登記

室而無使或缺者以天下

本於國國始於鄉雖一邑

之微詎可畧而弗考耶臨

屬為漫衍平直之區余來

承乏斯邑甫下車邑人士

輒以邑乘進謂自纂修後

復閱三十餘年每欲續輯

縣志

卷廿

序

二

多以經費阻余則從而鼓

勵之而言甚盛舉也何惜

經費為因念我兄弟以身

報

國其所目兢兢而未有已者

惟斯民耳民一事而不彰
即邑一事而不治何以仰
副

聖天子加惠元元之至意由是
披閱遺編撙羅事實無如

縣志

卷一

序

三

政務煩劇而筆削未遑幸
得翟熙堂王蘭居二廣文
素稱學博兼之教育深長
風土人情罔弗洞悉相與
殺青裕如也因為之主筆

迨七閱月而卒業或以為
余之功余敢自為功乎誠
以當日者邢邑紳太僕公
剏之於前沈邑令諸君子
增之於後其序凡七偉論

縣志

卷一

序

四

彰彰而續是編者復有鑑
塘趙前任一敘巔末已詳
而賅余豈容贊一詞亦惟
捐俸金以勸成斯舉俾後
之覽民風以探吏治者其

無遺闕之憾焉斯得矣
同治十三年甲戌仲冬知
臨邑縣事梁城陳鴻翹撰
并書



序

各縣皆有邑乘所以載一
方之事故也倘經久不修
則掩沒必多矣查臨邑縣
志經始於前明萬歷十九

年成於鄉先生邢太僕公
之手維時倡此舉者則邑
令劉公承忠也又有諸君
子採訪搜求彙為總冊以
聽執事者之筆削於是分

門別類援古證今考據詳
明條分縷晰共著十六卷
三閱月而告竣迨至我

朝順治九年邑令陳公起鳳

續修一次康熙年間邑令

臨邑縣志

卷首

序

二

唐公開陶魏公壯兩次接

修越至道光十七年桐鄉

沈公淮撫有是邑將一百

二十餘年之缺畧盡為補

修規模於是乎大備迄於

今又三十有八年矣其間

水旱偏災有閭民瘼捐輸

創建有益文風者固昭々

在人耳目最可憐者同治

七年南捻入境並擾及閭

臨邑縣志

卷首

序

三

廂大肆其焚掠雖修城築

圩官紳一體皆先事預防

尚不至合境蹂躪而男女

老幼徇難赴義者已指不

勝屈人煙輻輳之區或有

人能道其姓氏且有能言
其實在情形者至於窮鄉
僻壤徒埋沒於蔓草荒煙
誰過而問之潛德不彰亦
憾事也今同城翟王兩學

臨邑縣志

卷首

序

四

博覽崔都戎劉少尉同心
商辦重修縣志兼有某
諸紳士四外搜訪不使遺
漏洵切要之舉也憲無經
費咸謀於予予雖窘焉敢

辨因量力捐廉以勸其事
並撮其大要以記之

同治十三年甲戌孟夏署
臨邑縣事河內趙敏功撰
并書



臨邑縣志

卷首

序

五

序

臨邑之有志也自前明邢太僕纂之一修於陳令再修於唐令閱今且百二十餘年而邢志之舊蓋什

臨邑縣志

卷首

序

一

不存二三矣余自下車後求邑志讀之雖規模稍具而荒畧不全叩慨世有志重修之三四年来以簿書鞅掌卒業未遑然時進

邑人士而諮以故實而邑

風近古求所謂究心掌故之士者又什不得二三焉夫邑令為親民之官興廢振墜惟令是向風土人

臨邑縣志

卷首

序

二

情惟志是徵失令不治而日復一日并此荒略者而亦散佚之誰職其咎而竟昧程子之所謂第一義耶丙申之秋与李爰園孝廉合

邢唐二志相与往復討論
于其間徧者正之闕者補
之既成地輿一志矣而邑人
士又以所訪摭臺文獻錄
進噫何地無才向所慨邑

鮮掌故之士者不淺之乎視
斯邑哉于是徵文攷獻則
於是書采摭益多凡成書
若干卷雖不敢謂踵事增
華而庶幾綱舉而目張矣

間嘗論之郡邑之有志乘
也其間才學識之相去當無
論倍蓰什伯矣而何簡義賅
且為志乘冠者惟康對山武
功一志對山以武功人志武

功志既皆得之耳擣目染而
筆則筆削則削又運以作史
者之才學識于其中焉對
山不以武功志而增重而
武功志則非對山不能為

人傑者地靈不信然。以
邑之有邢太僕也。猶武功
之有對山也。然其所纂邑
志一書數百年。未不獲與
對山並稱。今且任其散失。

臨邑縣志

卷首

序

五

而無復過而問者。豈才學
識之未至。與抑豈迫於一時
之情。而非其殫思竭慮之
作。與。則。是書之成。欲求
返邢志之舊。而翦其荒蕪。

以庶幾武功也。豈不難哉。
豈不難哉。書既成。余滋
慰矣。是為序。
道光十七年丁酉夏仲知
臨邑縣事桐鄉沈淮并

臨邑縣志

卷首

序

六

書



舊志前序

臨邑於濟南屬城居上地無大山水漫衍平直民勤耕稀曠土俗長厚多禮讓公家之輸惟先令不拙催科蓋樂國也乃吾觀今志所載多咨嗟慨噫哀人生之常勤悼敝俗之多有則何以故蓋天下之生久矣總寓內之物土肥瘠險易正得牛廟肥且易者常偏受其病焉將以爲土沃則取盈者甘心地大則代興者側目故村輒興歌潛焉流涕大東之困所從來矣兩漢之季群盜窟宅六朝之時五胡割據唐已令阻河北宋遂國盡江

臨邑縣志

卷首

原序

一

南當是時也最爾臨邑叠嬰兵燹民之息肩其與幾何國家天蓋地容垂二百禩九州之內嬰孺斃廢噓植同之斯亦萬世一時已惟是令長數易有詰有愚其或治謝西京御同東野求之非其有役之非其任漏卮未實江河竭矣亦有民之多辟鮮衣怒馬華屋連甍暴殄相高淫侈相君力疲財盡所不辭焉此夫不兵火而虔劉不暎溢而焚溺者也故曰力本之家豐凶皆病含靈之衆無事爲難大塊勞生千古一轍矣豈造化忌滿人道惡盈古人所以不成三瓦而陳之者乎然則今之爲臨

邑也奈何曰國奢則示之以儉國儉則示之以禮知是說者其於爲天下猶運之掌也矧曰一邑劉尹承忠一令十年民安其政志所謂援清濯熱依稀太平也吾友邢君子愿爰因勤請遂著斯編寫古貌今鬚眉具在蔚宗而後斯其最良矣然又躬先雅化式法下民故二君在事則臨邑之又一時乎用序其首以俟方來云爾明山東學道長垣李化龍撰

余邑故無志爲國朝二百餘年缺典德靖間文儒蔚起擅厥才識可無不爲而以登朝仕宦去無暇問諸掌故

臨邑縣志

卷首

原序

二

業卽夙昔長吏又繼踵因循謂無當簿書殿最弃不省事嗟夫則必天降地出而後可矣我邑令劉君守官下最久每以興起斯文爲任而會兩臺用邑人遮遞請留爲上書得報詔以旁郡別駕銜視事如故唯時不佞方家食君乃造余拜手相向謂此區區夙志也其爲我成之余遁逃謝不敏而我督學使者李公甫下條教亦復有意我邑文獻修缺事諄切見屬余辭不獲迺退而竭其髦髦受鉛槧焉嗟夫一鄭國之命草創討論修飾潤色遞更四賢之手適稱嘉詞一邑乘鄭重視詞令且倍

徒焉而余不佞獨力肩之葳蕤之不逮而溪刻之徒勞不亦滋作者笑端乎然業已成之矣又安所辟匿爲是故首厥地理定邑也繼厥沿革論世也系厥氏望明祖也以備觀采風俗有焉以肅政教建置有焉以崇虔報祠祀有焉以軫民依賦役有焉以表位著官師有焉以稽類萃選舉有焉以紀奉爵侯王有焉及于循良官師勸矣及於人物選舉審矣及於列女人物廣矣及於事記詳異序矣及於藝文符采彰矣及於肋而曲終之奏錯雜陳矣例多從舊義取竊比書凡十六卷總之五萬

臨邑縣志

卷首

原序

三

餘言浹月而已藁草三月而畢殺青嘉興秘攜唯所命之茲役也吾黨蓋有三數同人焉率力可勝長可任也而侗以駢謗當之獻猷奈何有掘地而得劍者矣首缺亦折迺齒太牢鵬鵠夫容匣而藏諸不佞之于茲書也其猶是夫其猶是夫萬歷十九年歲在辛卯人日邑人邢侗子愿甫志

邑志自萬歷辛卯子愿邢公初爲之越三十餘年子愿仲子邢生王稱增補之今又三十年矣累遭兵燹半沒灰燼宰邑者以其無關殿最率置之不問廢棄日久近

日宰邑者並不知邑有志矣余承乏茲邑兩越歲詢之紳衿始知邑固有志及查之十無三四存者乃訪求原本重入刪工復成全璧又念三十年來建置興廢事記多有遺忘循良人物多未紀載孝子節婦多未表揚賦稅緣兵荒而蠲減藝文歷歲月而增多深虞日久事湮特謀之劉郭二廣文邢劉諸茂才採訪續訂捐俸金以刊之四十日而告竣臨邑自茲復有志矣余遼海鄙人今爲此舉匪有好名掠美之念祇以文獻之缺特爲續貂若謂兵火之後凋瘵未甦荒蕪未懇賦稅未清乃爲

臨邑縣志

卷首

原序

四

此不急之務則余有辜矣倘後之君子資以敷政立教持盈定傾俾凋殘之境復爲華胥之鄉則余又有功乎然功非余之功也劉郭二廣文之功也邢劉二茂才之功也順治九年重陽日知臨邑縣事陳起鳳題

是序已
今從
犁臺文獻
錄補入

夫邑之有志知古之有方輿記周地圖皆辨方考俗稽古證今昭實錄而垂不朽也豈獨撫陳迹飾繁文說一時之耳目已哉濟屬之西北臨邑九河故道多出其間向爲郵置孔衢形勢誇勝後爲饑饉流離遂成凋敝以

致民間之忠孝節義官守之方正賢良缺焉鮮傳迨前朝邑紳邢子愿先生手輯四集斐然可觀至我

朝以來歲時豐稔民皆復業官斯土者又大加培護漸獲盈脩卽有太邱邑宰續爲修輯然猶不能事事不遺言言必核令足徵信於後世今西蜀唐子開陶以明經而出宰是邦值鳴琴之暇秉史狐之筆適遇鄉友別駕高子觀一廣文彭子粹中先後如臨並參互訂潤已陳之故編續百年之軼事勒爲一十六卷存直道之遺明是非之鑒俾閱是志者爲臣思忠爲子思孝爲婦思節

臨邑縣志

卷首

原序

五

爲女思貞文士思以華國武材思以干城食夫廉而懦夫立臨之薰德而善長者將駸駸乎未易枚舉則此志不誠大有造耶嗟嗟後之視今亦猶今之視昔將見異日宰斯邑者弔古衡時闢幽顯微常爲纂續弗令闕文跋之傳記上之輶軒以附

聖世之良史貞足垂之不朽爾余也忝居濟郡之守政事之餘披閱唐子新輯之志舉凡分野疆域山川古蹟以及土產方言靡不犁然臚列如指諸掌莊固問俗之津梁採風之考鏡余雖不文然樂觀其告成也而以一

言弁之於首時康熙五十三年歲次甲午夏四月中憲大夫知山東濟南府事加三級張燾篆函父撰

從來凡宰邑者於所蒞之區未有不先按其地形之廣狹沿革之代禪山川之險夷與建置之興廢風俗之貞淫賦役之繁簡以及官師之得失科目人物節烈之多寡而能修其政教端其化理者也然則志乘一書固煌煌鉅典也哉開自承乏以來視事三載觀茲殘區瘠壤勤恤維艱其於地方形勢與民間疾苦已約略可知每訪邑志始得前代邑紳邢子愿先生創輯四冊及翻閱

臨邑縣志

卷首

原序

六

之際思以撫循化導藉爲稽攷期無負

聖天子加惠元元之至意適其中字多殘缺梨棗無存似

與近時志體間有未合未免令觀者徒致咎於亥豕矣開於是慨然有重輯之想然而政事之餘難兼殺青之

舉究非得學術純雅二三同志安能以草草從事時癸

巳秋會年世兄高君觀一暨舅兄彭君粹中先後來署

因再四商之遂購郡志與綱目唐宋諸大家并有明諸

文集拜而授之二君力肩其任相與研精殫思勤加搜

攷未匝月卽爲告竣開乃暢然曰是役也不獨一邑草

木生輝且於一披卷間獲敬聆嘉誨矣非厚幸歟竊不禁撫書而更有感也向也明萬厯中賴邑令劉君倡斯事於前甫創成於子愿先生之手迨我

國初邑令陳君亦爲續修而終屬蕩然迄今忽於匆匆邂逅間藉二君之力甫三旬而卒業成書靡不炳如燦如俾觀者較若列眉毫無遺憾此殆天作之合使黎陽文憲弗墜不誠大有造於斯土也耶爰命剞劂氏從而梓之藏之板籍庶幾後之君子有志治略者不致歎凋瘵之鄉等於荒渺之莫證自返於衷其亦有慰藉也已

臨邑縣志

卷首 原序

七

康熙五十二年歲在癸巳仲秋之吉知臨邑縣事唐開

陶撰

邑之有誌猶國之有史也國不可一日無史邑亦不可一日無誌勿謂前人修之而後人不必補之也壯以進士謁選銓部筮得上元會引

見時

上特改授近畿輔地於是侍郎中山郝公膠州王公公同

保舉家

聖恩特授臨邑拜

命之任朝乾夕惕恒念我

皇上於新進末員加意培植何以報稱竊念邑令一官上承諸憲臺之督責下親愚百姓之疾苦良非易易而臨邑土瘠民貧又經旱澇之後流亡初返教化未周壯以一身任之勤農課士却苞苴於暮夜懲奸滑之吏役期此心不負當年讀書之心卽不負我

皇上愛民之心且不負我祖父兄弟子姪共受

國家之厚恩而群思報稱之心爰集其所行所言所見並邑之可以並採而爲前誌所未備者漸次而補載之

臨邑縣志

卷首 原序

八

亦爲宰者分內事也是爲敘康熙六十一年歲次壬寅月知臨邑縣事獲鹿魏壯貞菴氏撰

歷修縣志姓氏

萬歷間知縣劉承忠纂修縣丞王道修主簿尚科教諭
孫登雲訓導劉永諒林起鳳衆校典史余廷賓督刻吳
縣學生薛大韶縣學生李忠管師舜分校許用敬繕寫
戴錄膳藥 崇禎間知縣吳事心重刻署教諭谷礎衆
訂縣學生邢王稱分校 順治間知縣陳起鳳重刻教
諭劉世儒訓導郭邦禎衆訂縣學生邢琮劉龍光分校
康熙間濟南府張濟南府同知王濟南府通判王總
裁知縣唐開陶提調教諭霍煥訓導高迥兗州府加河
臨邑縣志 卷首 歷修姓氏 九
通判高元貞四川成都府教授彭鎔協理把總郝奇監
刻典史趙允謙繪圖癸巳科舉人許震偉原任沅江縣
知縣陳潛辛卯科副貢王瑤歲貢張崇典校閱 康熙
間知縣魏壯補修

例言

一唐志誤郡爲縣以臨邑獨當星度如云樂安入危某度則臨邑當某度淄川入危今爲正之第天道難知非精于甘石之術者鮮不有失反唇相譏諒所不免

一邢志既混今地于也邑郡志復沿其誤今于穀城則還之沛水于黎縣則仍附臨陰水經沛水又東北逕臨陰縣故城北酈注故黎縣也或沿或革庶幾展卷瞭然今仍從邢唐二志

一臨邑以臨邑河得名唐以後始去水作邑而邢志謂北齊獨孤泥表曰黎邦泥之爲黎昭然可証故

臨邑縣志

卷首

例言

十

茲編于殷黎侯及黎侯陽之妾相牽合者削之而頃侯召奴則仍從邢志載入

一舊志川瀆諸條寥寥數語不足以攷見利病卽夾馬一支昔爲洪流今則彌望皆桑田矣蓋水道旣易淤廢小民又率狃于近利偶值淫潦卽成偏災茲編于漯河諸水竟委窮源詳求故道庶講求水利者不致茫無足據

一臨邑舊與齊東接壤自金天會間析置濟陽遂以濟陽爲東鄰而舊志疆域四至仍列齊東今刊正

一風俗諸條並采邢志惟冠服既非時制不嫌黠竄
原文另綴數言以昭畫一

一學校祠祀雖率土共遵而會典諸書非盡家喻戶
曉繁稱博引或亦究心掌故者之一助也

一官師人物惟入祀名宦鄉賢祠者得立傳昭慎重
也然自元明以迄

昭代入名宦祠者六人入鄉賢祠者十五人入孝弟忠
義祠者五人其餘名業爛然而未獲俎豆千秋者
尚指不勝屈今爲考其嘉言懿行著之簡編庶以

臨邑縣志

卷首 例言

七

補崇祀之所未及焉

一列女自舊志外凡已旌者無論已其有未邀旌表
而年例相符者亦並著之於冊然窮巷幽巖苦節
彌貞而不獲登志乘者又何可勝數聖漏之憾誠
所不免

一藝文自邑人撰著外有關一邑之掌故與一邑之
名勝者概爲錄入外此雖有佳篇盡從割愛

一吉金樂石足以正史傳之謬補史傳之闕者故嗜
古之士重之臨邑舊號齊右大縣而金寒石泐存

者寥寥蓋自魏晉以上剝蝕於風雨兵燹中者不
知凡幾今自唐宋以來得金石凡若干種另爲一
卷卽以當臨邑金石志也可

一犂臺文獻錄於邑中掌故搜羅極富今所采掇並
爲註明旣不沒其苦心亦無嫌於掠美

一邢志論贊訓辭爾雅惜原書散佚僅摘錄十餘條
頗以寥寥爲憾付刻後始覓得抄本而剞劂已竣
無可分附因另綴之卷末俾後之修志者采焉

一是編不數月而成書爲綱十爲目八十有四爲卷

臨邑縣志

卷首 例言

七

十有六雖體例視邢唐二志爲完善而書成倉卒
或不免畧一漏萬續有采訪當卽補編

台簪氏識

續修臨邑縣志凡例

一是書爲綱十爲目八十有四爲卷十有六凡續補諸條悉遵舊式分門附綴於末以便檢閱

一是書原板未動其一二漫漶及續補銜接處謹更換數頁以歸畫一

一是編採訪多出諸生之手傳信傳疑祇期紀實有事屬瑣屑無關勸戒者概不濫登以昭慎重

一人物蓋棺論定凡現在者例不入傳其有事蹟可傳者祇註明階級事實不加論斷

臨邑縣志

卷首 凡例

十三

一人物有非現在而無事蹟可傳者祇註明階級以備查考

一職官凡現任者例不入傳前任或有一二善政可傳必登入宦績不敢掩沒

一節烈婦女除舊志已接次排敘外凡續補諸條以已故現在爲序其已邀旌典者註明未旌者不註

不註

一是編開雕後節烈一門採送頗多因隨到隨補不以先後無次爲嫌

一同治七年殉難男婦共二千九百五十餘名其有

事蹟者除詳載忠烈各門外仍附總案備查庶使毅魄貞魂皆得有所表見不至埋沒弗彰

一同治七年肅清案內城防出力紳民凡蒙奏保給有獎札者除該舉貢分門詳註外餘俱附例貢例監以備檢查

一藝文率尙華麗無關事實暫爲割愛以省工費俟積成卷帙再行續刊

一碑記凡大興作有關於文教政治者悉爲刻錄不

臨邑縣志

卷首 凡例

十四

計工拙

一是編爲同人懲憊而成自知譴陋未能勝任罣漏之弊亦所不免尙期後之君子匡所不逮則幸甚焉

柳泉翟振慶

全校

穀山王善澤

續修臨邑縣志姓氏

總纂

同知銜臨邑縣知縣已酉科優貢陳鴻翮

運同銜前署臨邑縣知縣壬辰科舉人趙敏功

分校

臨邑縣教諭乙卯科舉人翟振慶

五品銜臨邑縣訓導辛酉科拔貢子科舉人王善澤

協修

賞戴花翎儘先都司臨邑汛把總武生崔廷璽

臨邑縣志

卷首

續修姓氏

十五

六品銜候補主簿臨邑縣典史附貢生劉

賞戴花翎副將銜卽補參將陳賈甲

賞戴藍翎拔補儘先千總鄭

五品銜監生邢尙斌

五品銜附貢生劉心典

孝廉方正馬維楨

五品銜武生鍾鳳嶺

附監生馬維棟

翰林院待詔銜廩生劉煒卿

廩生劉珮卿

布政司經歷馬煥辰

己未科舉人徐儀方

甲子科舉人孟繼洙

五品銜附生周際隆

採訪

從九品齊成龍

已未科舉人張書紳

從九品李茂才

臨邑縣志

卷首

續修姓氏

十六

恩貢董秘書

副貢趙逢王

歲貢陶振漢

廩生孫福源

廩生陶振封

廩生張儀村

廩生李述善

廩生邢九齡

五品職銜劉希聰

廩	生王青田	號鶴溪邑人
廩	生高清溪	號碧山邑人
廩	生王昌烈	號子文邑人
附	生唐文瑞	號輯五邑人
處	士方學聖	號迺庵邑人
附	生李曰桂	號小山邑人
廩	生李攀桂	號馨山邑人
附	生李永淳	號仙舟邑人
增	生王象震	號伯起邑人
臨邑縣志		
卷首		
續修姓氏		
七		
增	生王瑞田	號芝生邑人
廩	生楊振基	號玉田邑人
翰林院待詔衙附	生修來賓	號寅東邑人
附	生李傑三	號漢卿邑人
附	貢管臨溪	號漁山邑人
監	生鄭懷猷	號子嘉邑人
附	生魏寅賓	號陽谷邑人
增	生王冠軍	號文峯邑人
處	士鄭超萃	號卓庵邑人

附	生馬俊明	號元朗邑人
附	生朱本聰	號子達邑人
增	生張魁掄	號子元邑人
貢	生畢廉儒	號礪堂邑人
附	生張熙泰	號景和邑人
附	生劉呈瑞	號祥圃邑人
附	生甯兆彥	號碩卿邑人
廩	生關文修	號省堂邑人
增	生孟傳寅	號辰東邑人
臨邑縣志		
卷首		
續修姓氏		
六		
附	生馬丙寅	號耀東邑人
附	生王湘涉	號瀟帆邑人
處	士王化祥	號瑞南邑人
校對		
翰林院待詔衙附貢	生劉珉	號鑒盈邑人
廩	生劉仙根	號子蟠邑人
附	生方燦奎	號星五邑人
增	生劉通駿	號文聲邑人
	膳寫劉貴臣	瑣邑人